

EUROPAKO BATASUNA. Hurrengo astean gobernuburuen eta estatuburuen Kontseilua izango da

EBko ministroak atxilotze eta entrega agindua onartzen saiatuko dira gaur

«Aparatu errepresiboa indartzea» ekarriko duela gaitzetsi dute Frantziako eragile ugari

Xabin Makazaga | DONOSTIA

Europako Batasuneko Justizia eta Barne ministroen Kontseiluak goi bilera izango du gaur eta bihar Bruselan. Xedea atxilotze eta entrega agindu europarra eta *terrorismoaren definizio komuna* onartzea dute.

Europako Legebiltzarrak bi proposamen horiei babes zabala eman zien osoko azkenengo bilkuran; baina estatu batzuen adostasun eza ere agerian geratu zen. Alemania, Italia eta Suedia dira, arrazoi ezberdinengatik, eragozpen handienak jarri dituztenak.

Euro-aginduari dagokionez, inkriminazio bikoitzaren auziak bateraezintasunak sortzen ditu Alemaniako legediarekin. Eta Italiak, bestetik, ustelkeriari eta diru-zuriketari ez eragitea nahi du, Silvio Berlusconi presidentea bera ere nahasteko arriskua ikusten duelako.

Italiaren eragozpenak gaitzitzeko, euro-agindua ez dadin atzeraeraginezkoa izan aztertzen ari dira EBko agintariak. Izan ere, azaroaren 16an Italiak blokeatu zuen euro-aginduari buruzko aurreakordioa, ados ez zegoelako 30 delituko zerrendarekin.

Giza Eskubideen aldeko mugimenduen gaitzespena

Frantziako Magistraturako Sindikatuak, globalizazioaren aurkako Attac taldeak, Giza Esku-



JOXE LACALLE

Batasunak idatzi bat utzi du Euskal Herriko kontsulatuetan

Europako estatuak Euskal Herrian dituzten 21 kontsulatuetan idatzi bana entregatu zuen atzo Batasunak, EBko Justizia eta Barne ministroen Kontseiluak gaur eta bihar egingo duen bilerari buruz duen jarrera azaltzeko. Iruñean Fernando Barrena mahaikideak eman zion agiria Italiako kontsulordeari, eta, ondoren, adierazi zuen agiriaren muina «Euskal Herriaren eta frantses eta es-

painiar estatuen artean gatazka politikoa dagoela adieraztea» dela, «eta horrek konponbide politikoa behar duela». Barrenak «Irlandan edo Korsikan erabilitako errezeta bera» eskatu zuen Euskal Herriako, eta bide hori Europako estatu eta eragile politiko askok onesten dutela erantsi zuen. Espainiako Gobernuaren jarrera gaitzetsi zuen gero: «Errepresioa nazioartekora zabaldu nahi du».

bideen Ligak, Berdeek eta beste hainbat eragilek gaitzetsi egin dituzte Europako Kontseiluak hartu asmo dituen neurriak, eta, euro-agindurarekin, «terroris-

moaren kontzeptua zabaltzeaz gain, aparatu errepresiboaren indartzea» etorriko dela salatu dute.

Zigor neurriak hitzartzeaz

gain, «exekutiboaren gaineko kontrol neurriak eta askatasun publikoen bermea» zaintzeko ere galdegin diete talde horiek europarlamentariei.

LAB. Espainiako Gobernuak Estatutua «zipaismo politikoa» sustatzeko erabiltzen duela adierazi du

Diezek ezinbestekotzat jo du «Downing Street frantziar eta espainiar batera» iristea

Agentziak | EIBAR

Rafa Diez LABeko idazkari nagusiak «ezinbestekotzat» jo zuen atzo «Downing Street frantziar-espainiar batera» iristea, Euskal Herriak bere esparru politikoa demokratikoki zehaztu dezan, «inolako esku hartze eta hipotekarik gabe».

Eibarko Armagintza Eskolan Durangaldeko eta Debako delegatuekin egindako batzarrean eta manifestazioan izan zen atzo Diez. Haren ustez, «erabat faltsua da» autodeterminazio es-

kubidea «independentzia edo beste edozein estatus politiko dela esatea». Aitzitik, eskubide horrekin Euskal Herriak «harremanak izan ditzake Madril eta Parisekin hitzartutako autonomia baten gisa, estatu askea izan daiteke Puerto Ricoren modura Frantzia eta Espainiarekin elkartuz, edo Europako esparruan izaera politiko propioa duen nazio bat bihurtu daiteke». Autodeterminazio eskubidea «herri batek bizitzeko duen eskubidea» dela esan zuen.

Diezek ez du uste autodeter-



PABLO S. QUIZA

Rafa Diez.

minazio eskubidearen oinarria ideologia edo jarrera politiko batekin lotu daitekeenik. Lotura hori egitea «oinarrizko eskubi-

deak ukatzen dituen fundamentalismo espainarrari» egotzi zion LABeko idazkari nagusiak.

Ildo horretan, Diezek esan zuenez, autodeterminazio eskubidea «azken bi mendeetan Euskal Herriak bizi duen arazo politikoaren funtsa da».

Espainiako Konstituzioak, Hego Euskal Herriko duen eredu autonomikoarekin, Euskal Herriaren herri izaeraren ukazioan «sakontzen» duela esan zuen LABeko buruzagiak. Espainiako Gobernuak estatutismoa «zipaismo politikoa» sustatzeko erabiltzen duela gaineratu zuen. Horren bitartez, autodeterminazio eskubidea saihestu eta euskal errealitatea espainiar subjektuan «disolbatu» nahi duela azaldu zuen.

BOTERE JUDIZIALA

Divar izendatu dute Espainiako Auzitegi Nazionaleko presidente

Agentziak | MADRIL

Carlos Divar magistratua izendatu dute Espainiako Auzitegi Nazionaleko presidente. Botere Judizialaren Kontseilu Nagusiak atzo egindako bozketan, 21etik 16 boto jaso zituen Divarrek. Rafael Fernandez-Valverde eta Eustasio de la Fuente ziren beste bi hautagaiak. Clemente Auger ordezkaturiko du Divarrek, eta hura Auzitegi Gonereko Lehen Areto-ko magistratu bilakatuko da.

Auzitegi Nazionalen 21 urte egin ditu Divarrek instrukzio epaile gisa. Magistratu 1979an izendatu zuten, eta lehen destinoa Donostia izan zuen. Urtebeteren buruan Madrilera eraman zuten, Auzitegi Nazionalera hain zuten.

Kargu-hartze hitzaldian «terrorismoa babesten dutenak» izan zituen hizpide Divarrek, eta horri aurre egiteko ohiko Zigor Kodea «nahikoa» dela esan zuen. Batasuna EBk osatu nahi duen zerrendan sartzea lagungarri dakekeen galdetuta, berriro esan zuen Zigor Kodea «nahikoa» dela.

AAB-EN OPERAZIOA

Garzonen jarrera «totalitarioa» dela diote AABek, artxiboak ireki dituelako

Erredakzioa | DONOSTIA

Asteartean hamar abokatuk euren ordenagailuak identifikatzeari uko egin arren, Garzonek ireki egin zituen haien artxiboetako batzuk. AABen ustez, epailearen jarrera «totalitarioa eta arbitrarioa» dela adierazten du horrek.

Julen Zelarain presoaren erretarako eraman zuten Auzitegi Nazionalera, baina hark ere ez zuen parte hartu. Garzonek atzo jarraitu behar zuen, baina ez zuten egin. Izan ere, astearteko diligentsia 20:00etan amaitu zen, baina Zelarain ez zen Sotora 04:30ak arte heldu, ordu erdira dagoen arren.